

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

ZAKLJUČAK
o odbacivanju Prijave koncentracije privrednog subjekta "HIFA-OIL" d.o.o. Tešanj

Sarajevo,
septembar 2020. godine



Broj: UP-01-26-1-014-18/20
Sarajevo: 23.09.2020. godine

Na osnovu člana 25. stav (1) tačka e) i člana 42. stav (2), u vezi sa članom 14. stav (1) Zakona o konkurenciji ("Službeni glasnik BiH", br. 48/05, 76/07 i 80/09), rješavajući po Prijavi koncentracije privrednog subjekta "HIFA-OIL" d.o.o. Tešanj, Bukva br. 10, Bukva, 74260 Tešanj, zaprimljenoj dana 20.03.2020. godine, pod brojem: UP-01-26-1-014-1/20, Konkurencijsko vijeće Bosne i Hercegovine, na 73. (sedamdesettrećoj) sjednici održanoj dana 23.09.2020. godine, donio je

ZAKLJUČAK

- 1) Odbacuje se Prijava koncentracije privrednog subjekta "HIFA-OIL" d.o.o. Tešanj, Bukva br. 10, Bukva, 74260 Tešanj, radi nepostojanja obaveze prijave koncentracije u smislu člana 14. stav (1) Zakona o konkurenciji.
- 2) Obavezuje se privredni subjekt "HIFA-OIL" d.o.o. Tešanj, Bukva br. 10, Bukva, 74260 Tešanj da uplati administrativnu taksu u ukupnom iznosu od 1.000,00 KM (hiljadu konvertibilnih maraka) u korist Budžeta institucija Bosne i Hercegovine.
- 3) Ovaj Zaključak bit će objavljen u "Službenom glasniku BiH", službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 20.03.2020. godine pod brojem: UP-01-26-1-014-1/20, zaprimilo Prijavu koncentracije (u daljem tekstu: Prijava) privrednog subjekta "HIFA-OIL" d.o.o. Tešanj, Bukva br. 10, Bukva, 74260 Tešanj (u daljem tekstu: "HIFA-OIL" ili Podnosilac prijave), kojom se prijavljuje koncentracija sa privrednim subjektom "BRACO I SINOVI" d.o.o. Brčko, Banjalučka 54, 76000 Brčko (u daljem tekstu: "BRACO I SINOVI").

Prijava se odnosi na tri benzinske pumpe (jedna na području Brčkog, dvije na području Bijeljine), kao dijelova (poslovnih jedinica) privrednog subjekta "BRACO I SINOVI", koje u zakup na period od 10 godina uzima privredni subjekt "HIFA-OIL".

Uvidom u svu dostavljenu dokumentaciju, utvrđeno je da je Prijava podnesena u propisanom roku, u skladu sa članom 16. stav (1) Zakona o konkurenciji (u daljem tekstu: Zakon), ali da nije potpuna i kompletna u smislu člana 30. stav (1) Zakona i članova 9-12. Odluke o načinu podnošenja prijave i kriterijima za ocjenu koncentracija privrednih subjekta ("Službeni glasnik BiH", broj 34/10), te je Konkurencijsko vijeće u skladu sa članom 31. Zakona, aktom broj: UP-01-26-1-014-2/20 od 31.03.2020. godine, aktom broj: UP-01-26-1-014-6/20 od 07.05.2020. godine, aktom broj: UP-01-26-1-014-8/20 od 20.05.2020. godine, aktom broj: UP-01-26-1-014-10/20 od 11.06.2020. godine i aktom broj: UP-01-26-1-014-14/20 od 06.08.2020. godine, zatražilo dopunu iste.

Podnosilac prijave je podnescima koje je Konkurencijsko vijeće zaprimilo pod brojem: UP-01-26-1-014-5/20 od 27.04.2020. godine, brojem: UP-01-26-1-014-7/20 od 18.05.2020. godine, brojem: UP-

01-26-1-014-13/20 od 20.07.2020. godine i brojem UP-01-26-1-014-15/20 od 18.08.2020. godine, dopunio Prijavu traženom dokumentacijom.

Podnosilac prijave je, u smislu člana 30. stav (2) Zakona, naveo da zahtjev za ocjenu predmetne koncentracije nije podnio ni jednom drugom tijelu izvan Bosne i Hercegovine.

Konkurencijsko vijeće je dana 23.09.2020. godine, pod brojem: UP-01-26-1-014-16/20, izdalo Potvrdu o prijemu kompletne i uredne prijave, u smislu člana 30. stav (3) Zakona.

1. Učesnici koncentracije

Učesnici koncentracije su privredni subjekt "HIFA-OIL" d.o.o. Tešanj, Bukva 10, Bukva, 74260 Tešanj i privredni subjekt "BRACO I SINOVI" d.o.o. Brčko, Banjalučka 54, 76000 Brčko.

1.1. Privredni subjekt "HIFA-OIL" (Podnosilac prijave)

Privredni subjekt "HIFA-OIL", punim nazivom "HIFA-OIL" d.o.o. Društvo za promet naftom i naftnim derivatima, Tešanj, ima sjedište na adresi Bukva br. 10, Bukva, 74260 Tešanj.

Privredni subjekt "HIFA-OIL", prema aktuelnom izvodu iz sudskog registra Općinskog suda u Zenici broj: 043-0-RegZ-20-000309 od 31.01.2020. godine, upisan je pod matičnim brojem: 43-01-0593-09 (stari broj 1-8492) i JIB-om: 4218015340002, čija je pretežna djelatnost trgovina na veliko i malo naftnim derivatima (prema registru: trgovina na veliko krutim, tečnim i plinovitim gorivima i srodnim proizvodima i trgovina na malo motornim gorivima u specijaliziranim prodavnicama).

Vlasnik privrednog subjekta "HIFA-OIL" sa 100% udjela je fizičko lice Ahmetlić Izudin, Vukovo bb, Tešanj.

Privredni subjekt "HIFA-OIL" nema direktno povezanih društava u Bosni i Hercegovini u kojima ima 10,0% ili više udjela u osnovnom kapitalu ili 10,0% ili više prava glasa, a koji se bave pretežnom djelatnošću trgovine na veliko ili malo naftnim derivatima.

Posredno preko svog vlasnika Ahmetlić Izudina privredni subjekt "HIFA-OIL" povezan je sa privrednim subjektom "HIFA" d.o.o. Tešanj, Bukva 10, Bukva, 74260 Tešanj, koji se bavi trgovinom na malo naftnim derivatima, u kojem Ahmetlić Izudin ima vlasnički udio od (..)**¹.

1.2. Privredni subjekt "BRACO I SINOVI"

Privredni subjekt "BRACO I SINOVI", punim nazivom Društvo sa ograničenom odgovornošću za održavanje i promet motornih vozila "BRACO I SINOVI" Brčko, ima sjedište na adresi ul. Banjalučka 54, 76000 Brčko.

Privredni subjekt "BRACO I SINOVI", prema aktuelnom izvodu iz sudskog registra Osnovnog suda Brčko distrikta BiH od 13.03.2020. godine, upisan je pod matičnim brojem: 1-137 i JIB-om: 4600013590003, čija je pretežna djelatnost trgovina na malo naftnim derivatima i tehnički pregled vozila (prema registru: trgovina na malo motornim gorivima u specijaliziranim prodavnicama i tehničko ispitivanje i analiza).

Vlasnici privrednog subjekta "BRACO I SINOVI" su fizička lica Vrkačević Dražen sa (..)** udjela i Vrkačević Željko sa (..)** udjela.

¹ podaci predstavljaju poslovnu tajnu u smislu člana 38. Zakona o konkurenciji

Privredni subjekt "BRACO I SINOVI" nema povezanih društava u Bosni i Hercegovini u kojima ima 10,0% ili više udjela u osnovnom kapitalu ili 10,0% ili više prava glasa, a koja se bave pretežnom djelatnošću trgovine na veliko ili malo naftnim derivatima, odnosno sa djelatnošću koju obavlja privredni subjekt "HIFA-OIL".

2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti predmetne koncentracije primijenilo odredbe Zakona, Odluke o načinu podnošenja prijave i kriterijima za ocjenu koncentracija privrednih subjekata i Odluke o utvrđivanju relevantnog tržišta ("Službeni glasnik BiH", br. 18/06 i 34/10).

Pored navedenih odredbi, Konkurencijsko vijeće se u skladu sa članom 43. stav (7) Zakona koristilo sudskom praksom Evropskog suda i odlukama Evropske komisije, kao i kriterijima i standardima iz Uredbe Vijeća EK, broj: 139/2004.

3. Pravni osnov i oblik koncentracije

Pravni osnov koncentracije je Ugovor o zakupu benzinskih pumpi, broj: 191/20 (u daljem tekstu: Ugovor), zaključen dana 05.03.2020. godine u Brčkom između privrednog subjekta "BRACO I SINOVI", kao zakupodavca i privrednog subjekta "HIFA-OIL", kao zakupoprirnca, sa periodom zakupa od 10. godina.

Predmet Ugovora su tri benzinske pumpe sa kompletnom pratećom opremom neophodnom za obavljanje maloprodaje goriva i dopunskog asortimana (zajedno sa zemljištem i izlazom na javni put) i to:

- 1) Benzinska pumpa u Brčkom, na adresi Banjalučka br. 54,
- 2) Benzinska pumpa u Bijeljini, na adresi Filipa Višnjića br. 211,
- 3) Benzinska pumpa u Bijeljini, na adresi Raje Baničića blok III.

Pravni oblik koncentracije je sticanje kontrole jednog privrednog subjekta nad dijelovima drugog privrednog subjekta u skladu sa odredbama zakona koji regulišu osnivanje privrednih subjekata i njihovo upravljanje, u smislu člana 12. stav (1) tačka b) pod 3) Zakona.

Članom 12. stav (2) Zakona precizirano je da se sticanje kontrole između ostalog ostvaruje zaključivanjem sporazuma, čime se stiče mogućnost ostvarivanja dominantnog uticaja nad jednim ili više privrednih subjekata.

Da je zakup dijelova privrednog subjekta koncentracija potvrđuje i odredba člana 3. stav 2) tačka (a) Uredbe Vijeća (EZ) broj: 139/2004, gdje se navodi da se kontrolom ostvaruje dominantan uticaj na privredni subjekt, između ostalog i preko vlasništva ili prava na korištenje cijele ili dijela imovine privrednog subjekta.

4. Relevantno tržište koncentracije

Relevantno tržište koncentracije, u smislu člana 3. Zakona, te članova 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvata sve proizvode i/ili usluge koje potrošači i/ili korisnici smatraju međusobno

zamjenjivim, pod prihvatljivim uslovima, imajući u vidu posebno njihove bitne osobine, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Uzimajući u obzir djelatnosti koje obavljaju učesnici u koncentraciji, kao i to da je predmet transakcije u skladu sa Ugovorom zakup benzinskih pumpi na kojima se kao osnovna djelatnost obavlja trgovina na malo naftnim derivatima, kao relevantno tržište proizvoda određeno je tržište trgovine na malo naftnim derivatima.

Privredni subjekt "HIFA-OIL" djelatnost trgovine na malo naftnim derivatima obavlja na teritoriji Federacije Bosne i Hercegovine i teritoriji Republike Srpske, dok privredni subjekt "BRACO I SINOVI" tu djelatnost obavlja na teritoriji gdje se nalaze benzinske pumpe koje se daju u zakup, a to je teritorija Brčko distrikta Bosne i Hercegovine i teritorija Republike Srpske.

Uzimajući u obzir teritoriju na kojoj učesnici u koncentraciji obavljaju trgovinu na malo naftnim derivatima, a naročito teritoriju na kojoj djelatnost obavlja privredni subjekt "BRACO I SINOVI", čije su benzinske pumpe predmet zakupa, kao relevantna geografska tržišta određena su tržišta Brčko distrikta Bosne i Hercegovine, Republike Srpske, kao i cjelokupno tržište Bosne i Hercegovine.

U skladu sa navedenim, kao relevantna tržišta koncentracije određena su tržišta trgovine na malo naftnim derivatima Brčko distrikta Bosne i Hercegovine, Republike Srpske i Bosne i Hercegovine.

5. Obaveza prijave koncentracije

U skladu sa članom 14. stav (1) Zakona, namjeravanu koncentraciju učesnici koncentracije su obavezni prijaviti kada su ispunjeni uslovi u pogledu ukupnog godišnjeg prihoda ostvarenog na svjetskom tržištu i tržištu Bosne i Hercegovine u godini koja je prethodila koncentraciji, ili njihovog zajedničkog udjela na relevantnom tržištu.

5.1. Obaveza prijave koncentracije po osnovu ukupnog godišnjeg prihoda

Ukupan godišnji prihod (izražen u KM) učesnika koncentracije, ostvaren u 2019. godini prikazan je u Tabeli br. 1, kako slijedi:

Tabela br. 1

Privredni subjekt	"HIFA-OIL"	"BRACO I SINOVI"
BiH	(..)**	(..)**
Svijet	(..)**	(..)**

Izvor: podaci iz Prijave

Prema podacima iz Tabele br. 1 koncentracija ne ispunjava uslov za obaveznu prijavu iz člana 14. stav (1) tačka b) Zakona, prema kojem ukupan godišnjeg prihod ostvaren na tržištu Bosne i Hercegovine u godini koja je prethodila koncentraciji treba da iznosi najmanje 8.000.000 KM za svakog od najmanje dva učesnika u koncentraciji, s obzirom da je ukupni godišnji prihod privrednog

subjekta "BRACO I SINOVI" ostvaren na teritoriji Bosne i Hercegovine u 2019. godini, manji od navedenog iznosa.

5.2. Obaveza prijave koncentracije po osnovu zajedničkog učešća na relevantnom tržištu

Nezavisno od uslova za prijavu koncentracije koji se odnose na ukupni godišnji prihod, učesnici koncentracije su u skladu sa članom 14. stav (1) tačka b) Zakona obavezni prijaviti koncentraciju i u slučaju da je njihovo zajedničko učešće na relevantnom tržištu veće od 40%.

Konkurencijsko vijeće je analiziralo podatke o tržišnom udjelu na relevantnim tržištima koje je dostavio Podnosilac prijave, a koji se zasnivaju na studiji privrednog subjekta "Bisnode BH" d.o.o Sarajevo (čiji je izvor *online* sistem *Boniteti.com*), sačinjenoj na osnovu finansijskih izvještaja privrednih subjekata iz Bosne i Hercegovine, nabavljenih isključivo od nadležnih entitetskih agencija (FIA i APIF) i Brčko distrikta (Direkcija za finansije).

Na osnovu navedenih podataka data je procjena tržišnog udjela privrednih subjekata koji učestvuju na relevantnim tržištima, što je prikazano u Tabelama br. 2-4, kako slijedi.

Tabela br. 2

Procjena tržišnog udjela učesnika u koncentraciji i njihovih glavnih konkurenata na tržištu maloprodaje naftnih derivata u Brčko distriktu BiH za 2019. godinu		
Red. br.	Privredni subjekt	Tržišni udio (%)
1.	"BP DRAGSTES" d.o.o. Brčko, Plazulje bb	(..)**
2.	"MB-RADIĆ" d.o.o. Brezovo Polje bb	(..)**
3.	"CEROL" d.o.o. Cerik bb	(..)**
4.	"BRČKO GAS" d.o.o. Brčko, Banjalučka br. 8	(..)**
5.	"ENERGY BENTZ" d.o.o	(..)**
6.	"NEŠKOVIĆ" d.o.o. Bijeljina	(..)**
7.	"KARAMUJIĆ PETROL" d.o.o. Gornji Rahić bb	(..)**
8.	"NESTRO PETROL" a.d. Banja Luka	(..)**
9.	"PETRIĆ" d.o.o. Brezovo Polje, Magistralni put	(..)**
10.	"DANE-KOMERC" d.o.o. Gorice br. 55	(..)**
11.	"G-Petrol" d.o.o Sarajevo	(..)**
12.	"MEPROMEX" d.o.o. Tešanj	(..)**
13.	"BELAMIONIX" d.o.o. Cerik bb, Brčko	(..)**
14.	"AGROTEHNIKA" d.o.o Bijeljina	(..)**
15.	"ANTUNOVIĆ" d.o.o. Brčko, Dejtonska br. 95	(..)**
16.	"BEG-OIL" d.o.o Gornji Rahić bb	(..)**
17.	"BRACO I SINOVI" d.o.o. Brčko	(..)**

18.	"KARAMUJIĆ" d.o.o. Gornji Rahić bb	(..)**
19.	"AGROKOMERC" d.o.o.	(..)**
20.	"TEREX-PETROL" d.o.o Gredice bb	(..)**
21.	"MEZEX" d.o.o.	(..)**
22.	Ostali (pojedinačno manje od 1% udjela)	(..)**
UKUPNO		100

Izvor: podaci iz Prijave

Tabela br. 3

Procjena tržišnog djela učesnika u koncentraciji i njihovih glavnih konkurenata na tržištu maloprodaje naftnih derivata u Republici Srpskoj za 2019. godinu		
Red. br.	Privredni subjekt	Tržišni udio (%)
1.	"NESTRO PETROL" a.d. Banja Luka	(..)**
2.	"NEŠKOVIĆ" d.o.o. Bijeljina	(..)**
3.	"SUPER-PETROL" d.o.o. Banja Luka	(..)**
4.	"BRČKO GAS" d.o.o. Brčko	(..)**
5.	"KRAJINAPETROL" a.d. Banja Luka	(..)**
6.	"LIMIKOM" d.o.o. Banja Luka	(..)**
7.	"SLAVULJICA PETROL" d.o.o Teslić	(..)**
8.	"GAGI TRANS" d.o.o Banja Luka	(..)**
9.	"GAS-PETROL" d.o.o Mrkonjić Grad	(..)**
10.	"Petrol BH Oil Company" d.o.o Sarajevo-Centar	(..)**
11.	"BELAMIONIX" d.o.o. Brčko	(..)**
12.	"NIS PETROL" d.o.o Banja Luka	(..)**
13.	"SAS" d.o.o Priboj	(..)**
14.	"BP PETRIĆ" d.o.o. Vršani	(..)**
15.	"HOLDINA" d.o.o. Sarajevo-Novoo Sarajevo	(..)**
16.	"CSP" d.o.o Bijeljina	(..)**
17.	"G-Petrol" d.o.o Sarajevo	(..)**
18.	"HIFA-PETROL" d.o.o. Sarajevo Vogošća	(..)**
19.	"AGROTEHNIKA" d.o.o Bijeljina	(..)**
20.	"BRACO I SINOVI" d.o.o. Brčko	(..)**

21.	"HIFA-OIL" d.o.o Tešanj	(..)**
22.	Ostali (pojedinačno manje od 1% udjela)	(..)**
UKUPNO		100

Izvor: podaci iz Prijave

Tabela br. 4

Procjena tržišnog udjela učesnika u koncentraciji i njihovih glavnih konkurenata na tržištu maloprodaje naftnih derivata u Bosni i Hercegovini za 2019. godinu		
Red. br.	Privredni subjekt	Tržišni udio (%)
1.	"NESTRO PETROL" a.d. Banja Luka	(..)**
2.	"HOLDINA" d.o.o. Sarajevo-Novoo Sarajevo	(..)**
3.	"Energopetrol" d.d. Sarajevo-Novoo Sarajevo	(..)**
4.	"NEŠKOVIĆ" d.o.o. Bijeljina	(..)**
5.	"HIFA-PETROL" d.o.o. Sarajevo Vogošća	(..)**
6.	"SUPER-PETROL" d.o.o. Banja Luka	(..)**
7.	"TIOIL" d.o.o. Stara Bila Vitez	(..)**
8.	"Petrol BH Oil Company" d.o.o Sarajevo-Centar	(..)**
9.	"G-Petrol" d.o.o Sarajevo	(..)**
10.	"HIFA" d.o.o Tešanj	(..)**
11.	"ALMY" d.o.o. Zenica	(..)**
12.	"KRAJINAPETROL" a.d. Banja Luka	(..)**
13.	"OIL-AC" d.o.o. Mostar	(..)**
14.	"BRČKO GAS" d.o.o. Brčko	(..)**
15.	"BP DRAGSTES" d.o.o. Brčko, Plazulje bb	(..)**
16.	"ČAVKUNOVIĆ-BP" d.o.o. Bihać	(..)**
17.	"LIMIKOM" d.o.o. Banja Luka	(..)**
18.	"SLAVULJICA PETROL" d.o.o Teslić	(..)**
19.	"HIFA-OIL" d.o.o Tešanj	(..)**
20.	"BRACO I SINOVI" d.o.o. Brčko	(..)**
21.	Ostali (pojedinačno manje od 1% udjela)	(..)**
UKUPNO		100

Izvor: podaci iz Prijave

Prema podacima iz Tabela br. 2-4, koncentracija ne ispunjava uslov za obaveznu prijavu koji se odnosi na tržišni udio, s obzirom da zajednički udio učesnika u koncentraciji na relevantnim tržištima, uzimajući u obzir i povezana društva, nije veći od 40%.

Na osnovu naprijed navedenog, utvrđeno je da podnosilac Prijave nije bio obavezan podnijeti prijavu koncentracije u smislu člana 14. stav (1) Zakona, te je odlučeno kao u dispozitivu.

6. Administrativna taksa

Podnosilac Prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", br. 30/06, 18/11 i 75/18) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

Predsjednik

dr. Stjepo Pranjić